





H. XIII. 10.




Listen  
Now Tacin.


937.1/III

31 111











Henrici Nicolai

1. de Multiplicitate Rei facta.
2. Tr. de Contradictionis Natura et Principio.
3. Tr. de Oppositione Enunciatorum.
4. Philosophia Liberalis Tabellis representata.
5. Disputatio Maystedica.
6. Tr. de Notis naturalibus.
7. Tr. de Cognitione humana universa, duabus Dissertationibus comprehensa.



EXERCITATIO V. 97  
DE RELIQUIS CIRCA MUL-  
TIPRÆSENTIAM POSITIONIBVS,  
ET CHRISTI EXEMPLO.

Respondente

CHRISTOPHORO JARMERO,  
Malchind-Megap.

THESIS LXXIV.

**T** Amen id fieri posset per alterius modi præsen-  
tiam in omnibus locis, scilicet creatam & pendentem  
ex alienâ DEI virtute. Quâ ratione enim unum cor-  
pus in pluribus locis sine repugnantia esse posse defenditur,  
eadem & in omnibus esse posse defendi potest. Ibidem Sco-  
rum, Rossensem, & Sotum *pro hac sententiâ allegat. Eandem*  
Iac: Fabri Stapulensis in c. 12. ep. 1. ad Corinth. *fuisse fate-*  
*sur.* Idem T. 1. in Thomam d. 1. q. 8. p. 4. & co. Iac. An-  
dreæ p. 40. *profiteretur.* Biel. l. 46. sup. Can. Missæ, & l. 1.  
Sent. d. 37. q. un. a. 3. DEus, inquit, posset replicare Corpus ad  
diversa Vbi: & sicut ad diversa ubi, ita & ad omnia. Similia  
apud Arriagam d. loco. n. 101. 102. Mendozam d. 14. Phy.  
§. 57. Tannerum T. 1. d. 2. q. 4. dub. 3. n. 12. seq. aliosq; *vide.*

75. Ita duæ positiones nostræ, præcipuæ hoc in Nego-  
tio, sint statutz, obstantibus, *quæ contrâ ferri possunt, amotû.*  
Iam ad cæteras in præsentî negotio pergendum, & quæ ad-  
huc restant, subjungendæ. Dico III. Eadem potentiâ, quâ  
Corpus aliquod in multis locis sisti potest à DEo, & Spiritus  
Creatus in multis ubi sisti poterit. Consequentia ratio *ex-*  
*pedita est.* Quia si nulla Contradictio hic in Corporeâ Sub-  
stantiâ, ubi moles, Corpus, quantitas, *partes materiales, di-*  
*mensio, extensio, figura, quæ plus impedimenti importare viden-*

N

tur:



*ur: Cur in Spirituali substantiâ Contradictio agnoscat, ubi multa ad facilitatem rei hujus facientia occurrunt, ut summa essendi subtilitas, movendi agilitas, partium, molû, quantitatis & extensionis carentia, simplex adessendi designatio tantum, non materialis spatij occupatio. &c. 2. Quia Spiritus non habet ita definitum adessendi spatium, ut Corpus, quod mole suâ per Naturam sui ita occupat, ut Circumscribatur eo, & majus occupare nequeat, nisi majorem molem sibi conciliet: Sed modò in majore, modò in minore adesse potest, prout liberè sibi designaverit. V. l. 3. §. 13. d. est. alic. Facilius ergò in pluribus ubi sisti poterit, quàm Corpus. 3. Quia de animâ rationali scimus, quod in pluribus ubi Corporis simul tota sit: adeoq; supernaturali potestate facilius in pluribus ubi sisti poteris, V. l. 3. §. 11. 12. de Est. alicub. Et hoc Tract. t. 34. Cur de alio Spiritu id habeatur incredibile, à DEO fieri posse? 4. Quia de alio Spiritu Creato etiam scimus, quod sit totus in toto, & totus in parte rei, quantum ad essentiam & attributa essentialia. Conf. c. 1. Si ergò Corpus ad vegetandum sibi ad tempus uniat, & totus in toto, & totus in parte illius Corporis futurus est, & sic unitate essendi præsentialis in diversis ubi simul obtinebit. Magis ergò hoc potestati divinæ absolutæ possibile esse credendum est. Consentiant hic etiam Scholastici in 1. Sent. d. 37. ut Durandus & Richardus de Med. Vill. in istum locum, Valentia T. 1. d. 4. q. 3. p. 3. Tannerus T. 1. c. 1. n. 13. Becanus, alijq;.*

76. IV. Eadem potentiâ, quâ in pluribus locis Corpus poni potest, potest etiam sisti in omnibus mundi locis, h. e. Omnipræsens fieri. 1. Si in pluribus locis sisti contradictorium non est, nec finitatem rei aut unitatem tollit, Cur eam tollet, in omnibus sisti? Tolleret vel lociratio, vel præsentialis ad locum, vel Corporis, vel in potestate faciente defectus esset. Nihil horum. Non locus, hic enim ex se & suâ Naturâ est aptus, ut præsentialiam

sentiam  
qua vol  
ra loca u  
loca unu  
Nec præ  
ad aliud  
plicare in  
spatia mu  
diversitas  
loca, per  
quod non  
naturali  
ditur n.  
dictione  
tum, 2.  
sum. 3.  
con. Hof  
posse, se  
DEI sisti  
T. 3. Be  
esse in n  
Sadeel a  
numeris  
eodem ten  
est ubiq;  
Vorftium  
Apolog.  
vel omni  
venias.  
bergenfi  
77. V



*sentiam Corporis in se capiat, si actualis causa presentie adsit, qua voluntas & potestas primæ causæ erit. Et ut tria aut plura loca unum Corpus potentiâ obædientiali capiunt: Sic & omnia loca unum per eandem capient. Nil majus obstat hic, quàm illic. Nec presentia ad locum in corpore. Hæc enim accidens corporis ad aliud circumstans respiciens. At ut DEUS duplicare, aut centuplicare in uno corpore tale accidens potest: Ita & ad omnia mundi spatia multiplicare illud in eodem potest. Nulla hic est impediens diversitas. Nec corpus: Vt enim hoc habile est ad capienda plura loca, per potentiam obædientialem: qua efficax ratio dari poterit, quòd non sit aptum ad omnia capienda, si potestas eadem supernaturalis accedat? Nec in potestate divinâ defectus est. Extenditur n. ea ad omnia possibilia, quæq; non infirmitatem, a. Contradictionem involuunt, quod in hoc casu non esse §. 22. 23. probatur. 2. Ex Scholasticis pleriq; idem concedunt, ut §. 74. ostensum. 3. Ex Adversariis idem quidam concedunt, Beza con. Hoffman: Si probatum fuerit, Corpus in duob. locis esse posse, se faciliè concessurum, in omnibus per potestatem DEI fitti posse. V. Tom: 7. Giesl. d. 24. t. 174. Amesius T. 3. Bell. Ener. l. 4. d. Euchar. c. 2. §. 9. Si Corpus posset esse in multis locis, eadem ratione posset esse in omnibus. Sadeel ad artic. 28. abjur. p. 452. Op. Idem est, Corpus in numeris locis eodem tempore esse, & ubiq; esse. Nihil n. eodem tempore plurib. in locis esse potest, præter DEUM, & DEUS est ubiq;. Similia ap. Chamierum T. 2. Panst. l. 6. c. 11. §. 3. Vorstium T. 1. Bell. Contract. Cont. 2. th. 2. Tigurinos in Apolog. c. Jac. Andreæ, p. 84. Sohnium in thes. de Multip. vel omni. Corp. Chri. Tom. 1. Op. p. 2. p. 436, seq: aliosq; invenias. Idem Heidelbergensib. tribuitur in Colloq. Hertzbergensi, p. 44.*

77. V. An per potestatem divinam, Corpus ubique fitti possit,



possit, ex termini significato ambiguum, & ex nostro impossibile judicandum est. Nam Ubiquitatem *hic* strictè *sumimus*, prout Omnipræsentia, etiam divina, contradistinguitur, *tanquam absolutum relativo, simpliciter essentiale accedenti, æternum inchoato, incommunicabile communicabili*, V. s. 2. §. 20. seq. de Ess. alicub. *Vbi 9. discrimina adducta. Qui inter Nostros fieri posse censuerunt, per Ubiquitatem omnipræsentiam intellexerunt, ut scripta testantur.* V. D. Mentzer. in Antimart. p. 17. Brochmand. F. 2. L. C. de vit. æt. c. 2. q. 3. T. 7. Giesl. c. l. aliosque. *Sed hic strictiùs sumitur eo. Ita ergò per Ubiquitatem aliquid creatum extra DEUM, ubiq; fieri posse, impossibile censendum.* 1. Quia Ubiquetas solius DEi essentialis & incommunicabilis est proprietas. s. 2. §. 39. d. ess. alic. 2. Quia vel ipsa infinitas est, vel hac indissolubiliter ei juncta est, ut Ubiquetas inde pro nostrâ concipiendi ratione velut resalter. V. c. l. Repugnat a. creaturam vel infinitatem fieri, vel infinitam. V. s. 3. §. 10. c. l. 3. Quia simpliciter necessaria & essentialis est ei, cui competit, ad eò, ut terminos adessendi admittere simpliciter ei repugnet. Divina n. proprietas non est, esse posse præsentem, ubi velit: sed præsentem esse ex perfectione & immutabilitate naturæ, ut rectè Martinus. V. t. 50. Non solum terminos adessendi non habere, sed nec ullâ potestate aut ratione habere posse, est hic Ubiquitas esse. At hoc naturam corporis simpliciter evertit, cui semper essentialis, adessentiam finitam ex naturâ sui obtinere, non infinitam habere.

78. 4. Quia ad spacia non mundi solum, sed & imaginaria extra Mundum, qua in infinitum cogitari possunt, respicit, semper n. spatorum aliquid ultra fuerit, & quasi sit, cogitabitur. Qualem Dei ubi-etas est, qua verè infinita, nec terminos habet, s. 2. d. Ess. alic. t. 6. 7. seq. At talis ubiquetas proximè infinitatem comitatur, cuius creatum aliquid non capax. Et adessentiam aliquam infinitam



nam corpori concedere, est quodammodo corpus infinitum facere, quod non arbitror concedendum, cum Taurello p. 264. triumpho V. §. 79. Introducentur n. duo infinita; et si alterum per essentiam infinitum foret, alterum per aliud, & principio non essentiali. Duo tamen infinita realia actu forent, quia terminos adessendi facto non haberent. At hac introducere non committendum arbitror. Imò nec de possibili duo infinita à DEO poni posse, concedendum existimo. Et rectè scripsisse mihi videtur Guilielmus Parisiensis, Antiquus scriptor, tract. de fide, c. 2. Ponere infinita huiusmodi, est destruere credulitatem eorum, quæ sunt fundamentum religionis, & propter hoc religionem infundabilem facere, quare & inædificabilem. Ubiquetas infinitatem adessendi in spatijs infinitis importat. Sed omnipræsencia tantum adessendi spatijs mundi, quæ cum mundo adhuc finita, non infinita. f. 2. §. 5. 7. & 21. c. 1. Neq. de humanitate Christi talem adessentiam in sacris promissam habemus, V. §. 81. seq. 90. seq. Et quo sine Deus Corpus aliquod in spatijs infinitis extra mundum locaretur? V. t. 95. Quem & Naturam nihil frustra gerere hactenus credidimus. Vbi tamen Ubiquetatis vox cum Omnipræsentiâ equipollenter sumitur, quod promiscuo usu sæpè fieri dixi f. 2. t. 20. de ess. alic. Corpus ut multipræsens, sic & omnipræsens & ubique à DEO statui posse consentio. Sed Omnipræsencia terminum ad creaturas agnoscit, non simpliciter est infinita, ut ubiquetas. V. c. 1. §. 21. Quod de Corpore dixi, per analogiam & de spiritu finito est intelligendum. Omnipræsens sibi à DEO potest, ubiq. non. Weigelius angelum ex substantiâ sui spectatum ubiq. esse posse docet. p. 2. Ph. Mysti: p. 168. 208. Sed Scriptura DEI hoc privilegium ponit, f. 2. §. 5. seq. c. 1. Et sana ratio angelum Spiritum creatum ac finitum essendo, operando, & adessendo esse perspicit, Quod nec ipse Weigelius c. 1. p. 168. negare potest. Origenes in c. 1. Job, demones ubiq. esse dixit, sed subito



mundum pervolando, non simul omnia spatia occupando. Durando simile quid tribuitur, quod angelum secundum substantiam ubiq; esse sentiat. V. Tanner. T. I. d. 5. q. 2. d. 1. & 6. n. 1. Sed de potestate infinita is fortè loquitur, Vt §. 75. adductum.

79. Dices 1. Potest creatura à DEo fieri infinita durando, ita, ut finem durationis non agnoscat. Ita Angeli, animæ, homines resuscitati, finem durationis à parte post non agnoscent. Similiter DEVS mundum potuisset ab æterno producere, & in æternum conservare, ut quidam Philosophi disputant. V. Scheibler. 2. Metaph. c. 3. n. 641. seq. D. Keslerum Phy. Phot. f. 1. §. 1. Ut nec durationis suæ principium nec finem agnoscat. E. potest etiam Corpus infinitum à DEo fieri adessendo. Par enim horum est ratio, & duæ velut infinitatis sunt propaggines, æternitas & ubiquetas. V. f. 2. de Ess. Al. §. 6. R. 1. Non per omnia utriusque eadem est ratio. Tempora fluunt & succedunt, non sunt simul, Ideò, quod duratione creatâ æternum est, non simul in toto tempore est, sed per partes temporis sui sine fine & principio decurrit. Cum in uno tempore est, non simul in alio est, quod jam præterlapsum. Cum in futuro, non simul in præterito a. præsentì, hæc n. desierunt. V. §. 67. Hic actualis infinitas non importatur. Hæc n. omnibus partib. manentib. est, non fluentibus, ut in æternitate divinâ est, quam totam simul, non desinentem & succedentem, ac interminabilem confitemur. Sed in mundo æterno creato, successus temporum locum haberent. Loca a. manent & simul consistunt. Ideò, quod ubiq; simpliciter statueretur Corpus, in omnibus ubi realibus in mundo, & imaginariis extra mundum simul & unâ vice totum statueretur, manentib. spatiis, non transeuntib. ut de facto finem simul in omnibus existendo non haberet. At tale in partibus infinitis manentibus statutum, simul aliquid infinitatis comitem trahet, quod in corpore etiam ratione ubicationis



tionis non faciliè concedendum, nisi cum ipso DEo fortè illud unum sit. *Ve de Christi corpore ex fide scimus. Hic singulare quid esset, §. 82. Sed de quo ratio nihil constituere novisset. Et si in tali Corpore infinita adessentia, non continuò in alio extra DEum illa sequeretur. §. 77. 78. Aliàs Solum Deum facto infinitum, ut Essendo, sic & adessendo credimus. Vbi tamen & hic phrasæ explicentur, V. §. 78. Commodus aliquis sensus subesse queat, ut de vocibus non rigidè contendendum fuerit. 2. Antecedens de æternitate corporis aut mundi, vel ullius creaturæ, multis Philosophorum valdè adhuc suspectum, imò pro- sùs falsum videtur, ut Gandavenfi, Philopono, Alberto M. Bonaventuræ, Tolero, Taurello, Bodino, Wasio, Timplero, Keckermanno, Alstedio, alijsq̃. Quibus ex Theologis Sadeel, Mornæus, Brochmandus, Amesius, Grauverus, Affelman- nus, Zanchius, aliiq̃e subscribunt, ut pluribus alibi dicturus sum, & quid commodissimè hic sentiendum, expositurus. 3. Si iusta hic analogia vrgenda, sic inferendum: Si Deus ita æ- ternum durando Corpus facere potest, ut durationis terminos nec habeat, nec habere ullo modo possit, tùm & infinitum adessendo facere poterit. Sic n. Vbiquetatem jam hic sumimus, §. 77. At sic antecedens in totum negabimus, Et æternitatem aq̃e in Corpore impossibilem, ac Vbiquetatem, dicemus. Non potest Deus hoc modo Corpus æternum facere: Essentialis n. Cor- poris habitudo tollitur, & consequenter Corporis essentia destruetur.*

80. 2. Humanitas Christi tracta est in subsistentiam infi- nitam DEI. E. & in adessentiam infinitam. Adessentia enim se- quitur rationem subsistentiæ, & qualis subsistentia, talis præsen- tia. R. 1. Consequentia hæc nostræ rationis est, non in Scriptu- rā de Christi humanitate proposita a. revelata. Hæc nunquam tradit, præsentiam infinitam humanitatem Christi habere, nec sub



sub istis modis hypostaseos, naturarum, Unionis personalis, Communicationis subsistentiæ, idiomatum, *sed longè aliter, loquitur.* Extra Scripturam a, in reb. meræ revelationis & mysteriis abstrusissimis, *qualescung.* Consequentias necere, & pro lubitu sibi terminos formare, rationi permittendum non est. Et in seipso periculosum est. Nimum n. à Scripturâ ad speculationes rationis abducit. V. §. 89. 2. Si adessentia præcisè subsistentiam in hoc exemplo sequatur. E. à primo puncto incarnationis infinitam præsentiam in spatijs infinitis habuerit humanitas Christi, nam talem subsistentiam habuit. At hoc potiores Nostrorum Theologorum non concedunt, & rectè: Cum universam historiam Evangelicam, Nativitatem, actûq. Christi, & totum exinanitionis statum, aequè ac exaltationis credendum, hoc evertat. Euacuavit n. semetipsum. Phil. 2. v. 7. 3. Adessentia sequitur subsistentiam, sed ejus, Cujus per naturam ea subsistentia est, non cujus per peculiarem gratiam & dispensationem Dei facta est. Naturalem sequitur, non statim ejus, quod peculiari gratiâ in subsistentiam aliquam tractum est. Deitati subsistentia infinita est naturalis: humanitati personalis & ex assumptionis gratiâ. In hac multa evacuari potuerunt, postulante ita statu & officio Christi, ut Mediator esse debuit: Quæ in Deitate ipsa, ejusq. naturali subsistentia & adessentiâ, non potuerunt. V. §. 93. 4. Subsistentia divina abstractè sumpta, & ut modus essentia contradistinctus est, nec finita præcisè est, nec infinita; ut Scholastici & Metaphysici disputant. Modi entis fundamentalis & Natura propriè sunt, non modorum & formalitatum in ente, nisi quatenus essentis suis, in quib. sunt, realiter identificantur. Ens in Metaphysicis in infinitum & finitum dispescitur, non modus a. attributum ejus. V. l. 1. d. Es. Al. t. 13. Et sic quâ hoc punctum infinitatis ex subsistentiâ trahendum, negatur, subsistentiam DEI ut sic, esse infinitam, adeoq.



adeoq; nec ab ejus communicatione infinita ad essentia in humanitate Christi colligenda. Subsistentiæ in divinis tres sunt: Non tamen tria infinita, sed quoad rem sunt unicum illud infinitum tria ista supposita, & formaliter non differunt ab eo, ut aliud quoddam infinitum, vel tria distincta Entia infinita; Sed ut modi subsistentes unius & ejusdem Entis infiniti. Quomodo unitas, ubi etas, veritas, bonitas, nec finitum quid dicunt, nec infinitum: sed sunt Entis à finito & infinito præcipientia, modi uniti. V. c. l. t. 10. seq. Plura §. 92. seq. patebunt. Dices 3. Sic limites potentia infinitæ statuuntur, si non in infinitis spatijs Corpus sistere potest. & Perinde non, ac cum non alium DEum infinitum, Corpus actu infinitum, mundum infinitum, factum non factum facere, aut Contradictoria non simul facere posse, dicitur, V. t. 78. Per quæ potestas ejus non restringitur, quæ factibilium ratione est, non eorum, quæ simpliciter nullâ potestate fieri possunt. V. dec. 1. Misc. d. 5. t. 9. seq. Si Corpus in infinitis spatijs infinitatem comitem trahit, non est de eo id asserendum, V. §. 79.

81. Dico VI. De facto aliquod Corpus in pluribus locis à DEo statui, ex solâ fidei revelatione, & unico exemplo Corporis Christi in sacris proposito, novimus. Hactenus de possibili est disputatum, quid absoluta potestas in Corpore possit. Iam de facto disceptandum, quid fieri revelarit luminis aliqujus illustratio. Discernenda hæc duo, non membra invicem confundenda esse §. 3. & 49. ostensum. Naturæ lumen factum hic aliquod vix suppeditabit, si de animâ illud excipias, aut Spiritu Corpus assumptum vegetante, in quo analogia quedam, §. 34. 35. Quæ tamen Spiritus, non Corpora. Gratia & revelationis supernaturalis lumen si consulatur, unicum exemplum facti suppetet, sed quod velut ingens pomum ignotos diuturnis validaq; contentionebus, miseram Christi fatiga-



uit Ecclesiam: Nec dum fervore controversendi subsidente. Nos in Corpore Christi Multipræsentia de facto à DEO statuta reperimus in sacris exemplum. Nobiscum magnam partem hoc fatentur Pontificij, Substantialem Corporis Christi in Eucharistiâ præsentiam credentes. V. §. 32. Quamquam extra hoc punctum vix eam etiam in Christo concedentes. V. Maldonatum in c. 28. Matth. v. 20. Marxium in antiCoro. Meyfart: præludi. 2. 4. aliosq. Et si sanctis in Cœlo DEum videntibus omnipræsentiam Eorum quidam asserans. V. §. 31. Quam in Christi humanitate tantoperè horrent. Argumenta è Sacris pro eâ 1. A promissionibus Præsentia Christi Deihominis in Ecclesiâ, ut Matth. 18. v. 20. & c. 28. v. 20. 2. A promissione præsentia Corporis & sanguinis Dominici in sacrâ Cœnâ, quorum substantia verissimè manducari & bibi à communicantibus à Christo jubetur, eaq. ratione spirituales suam perceptionem solidè confirmandi medium habere debent, Matth. 26. Marc. 14. Luc. 22. Adeoq. ex Cœna Institutione, Matth. 26. Marc. 14. Luc. 22. Et institutionis istius repetitione, 1. Cor. 11. v. 23. Et sensus verborum Cœna, hoc est C. M. Apostolicâ explicatione, 1. Cor. 10. v. 16. Ac sanguis Christi hu in terris in usu Cœna testificatione, 1. Ioh. 5. v. 6. 8. pluribus hoc deducendum. Conf. s. 3. d. E. Al. t. 26. 27. 28.

3. A præsentia sanguinis Christi in S. Baptismo, quo ab operibus mortuè ablui mur, & in hereditatem filiorum DEI per mortem Christi adoptamur. Matth. 28. v. 19. Rom. 6. v. 3. 4. Gal. 3. v. 27. 4. Ab exaltatione Christi hominis passi, mortui, & resuscitati, ad dextram Patris omnipotentis, & subjectione omnium sub pedibus ejus, ut imperio dextra DEI convenienter, dominari debeat in omnes Creatura: etiam in media inimicorum suorum potensissimè, Psal. 110. 1. Cor. 15. Eph. 1. Hebr. 1. Dominium autem per modum dextra DEI, non est quæ substantiam

Substan  
menda,  
am Ref  
test. 1.  
tia præse  
manicas  
vore Sac  
l. E. Subj  
mo, non  
personal  
quanta  
Sic eni  
eam pr  
Vi Spir  
ti in Co  
moveri  
liter, ad  
35. E. i  
negari  
Reform  
substan  
tem cen  
ita urge  
ex liqu  
mentum  
ad hoc  
statuti  
fotium  
assumen  
dulcissi  
missa E  
latum n



*Substantiam absentis, sed presentis, V. t. 16. Et similibus su-  
menda, quæ alibi latius deducenda & vindicanda. Ex ipsis eti-  
am Reformatorum hypothefibus commodè illud deduci po-  
teft. 1. Multi in presentia gratia & favoris presentiam substan-  
tia præsupponunt, ut Martinus & Genevenfes, V. t. 28. Sed hu-  
manitas Christi, vel Christus secundum carnem, gratia & fe-  
vore Sacramentis & Ecclesiæ adest, ut illi ipsi concedunt. V. c.  
1. E. Substantiâ ibi adesse ante oportet. Secus gratiâ adesse, quâ ho-  
mo, non poteris. 2. Omnes humanitatem Christi per Unionem  
personalem tantum domui & prærogativis exornatam concedunt,  
quanta in finitam aliquam Naturam unquam cadere potuerint.  
Sic enim Reformati communiter. At quædam Naturæ finitæ  
eam prærogativam habent, ut simul in aliquos spatijs, esse possint,  
Vt Spiritus finiti, animæ rationales in Corpore humano, & ange-  
li in Corporibus ad tempus uniti & assumpti, quæ vegetant &  
movenet. Spiritus n. ubicunq; sunt, impartibiliter & indivisi-  
bilitè, adeoq; toti sunt. V. f. 3. d. E. A. t. 11. 12. Et hunc Tract. t. 34.  
35. E. talis prærogativa minus carni Christi in unionem spectatæ  
negari debet. Dissentiunt tamen à nobis in facto & exemplo hoc  
Reformati, Anabaptistæ, Photinistæ, Arminiani, Vorstiani,  
substantialem Corporis Christi hic in terris presentiam impossi-  
bilem censentes, ut S. t. patuit. Papistæ Multipresentiam in eo  
ita urgent, ut negent Omnipresentiam. Tota hæc res alibi  
ex liquido fundamentis uberius est monstranda. Mihi in im-  
mensum operis labor excreveret, si cuncta exponerem, quæ  
ad hoc exemplum Corporis Christi, de facto in multis spatijs  
statuti, ultrò citroq; disceptari inter Scribentes solent. Alibi,  
fictitium, vita, occasio, suppedirent, sententias collocabo. Hic præ-  
assumendum magis illud, quàm probandum. Credamus interim  
dulcissimis Christi promissionibus, Matth. 18. 26. 28. Et pro-  
missa Eum præstare posse statuamus, Etiam si Cæterarum difficul-  
tatum nihil teneamus, aut solvamus, t. 48.*



82. Dico VII. In Corpore Christi ex revelatione cognito, longè facilius est multipræsentiam possibilem agnoscere, quàm in alio ullo corpore naturali. Ratio ex sequentibus sumitur. 1. Quia hoc corpus separatum ab hypostasi humanâ, & tractum ad esse personale ipsius hypostaseos divinæ & infinitæ, de fide credimus. *At si DEUS longè propinquius essentia humana tollere potuit realiter, substantiam humanam, & longè difficilior in eâ præstare, in substantiam divinam & infinitam inferre: poterit & remotius tollere, locum externum, & facilius in corpore præstare multipræsentiam, quàm divinam substantiam.* V. §. 15. *Et si hoc corpus in tale suppositum tractum, ut cum ea unum personale faciat, quod pugillo aquas, palmo cœlos, & tribus digitis molem terræ appendat, accoram quo omnes gentes ut nihilum & inane reputentur, Esai. 40. v. 12. 17. Sapient. 11. v. 23. Quomodo non & mediante tali supposito multis simul locis præsens à Deo sisti possit, cum totum universum, ut nihilum, hac ratione coram ipso habeatur? Et hic, si de Corpore urgeatur, quod semper spatio suo ita commensuretur, ut extra illud simul esse non possit in plurib. spatiis, facile reponi poterit, Excepto, nisi in ipsum suppositum divinum trahatur, Ut cum eo unam personam constituat. Quod de Corpore Christi ex Sacris confitemur. Hic longè alia privilegia sortitur, quæ aliàs de Corpore ut sic, affirmari non possunt. V. t. 79. 2. Quia hoc corpus intimâ, arctissimâ, & totali περιχώρησει, circuminceptione & immanatione, filio Dei personaliter unitum confitemur. Hinc & cum Filio Dei multis simul locis tale corpus sisti posse, facile consequetur. Ἀδιασάτως enim uniti sunt, homo & Deus in Christo, totum toti, non pars parti. Unâ enim cum altero facile, ubicunq; velis, adesse potest. Ubi ergo promissum ex verbo habemus, Christum hominem præsentem in terris aliquot in locis*

cis futu  
sentia  
super eo  
credibili  
ipso unam  
Corpus isti  
83. 3.  
nem ad i  
se credim  
nari in ho  
rum 213.  
riâ post  
iam aut  
se, quan  
Hac de ho  
lio huma  
ergo in tal  
quàm in  
Theolog  
Omnipræ  
singulari  
bus, de C  
lastici pro  
& sex S.  
Philosop  
1. 83. Sed  
huius discip  
ntia vari  
carum, i  
turius in  
plundimen



cis futurum, vel Corpus & sanguinem ejus hic in terris praesentia futura, ut in Cœnâ promissum habemus, non difficultates super eo credendo necessariæ sunt, maximè, cum magis incredibilia credantur, ut in hypostasi ipsius DEi subsistere, Cum ipso unam personam facere, ad ipsam Omnipotentis DEi dextram Corpus istud evectum esse, V. t. 15. 16.

83. 3. Quia hoc Corpus post passionem & resurrectionem ad infinitam DEi omnipotentis dextram evectum esse credimus, subjectis illi omnibus creaturis, ac quæ nominari in hoc & futuro seculo possunt, inter quæ & locus ac locorum *ἀσκήματα*, V. S. 16. 30. 4. Quia infinitâ & divinâ gloriâ post passionem hoc corpus exornatum credimus. Ad illam autem gloriam etiam pertinet, locum dominari posse, illisq; se, quodcumq; & quoscumq; velit, presentem exhibere posse. Hac de hoc Corpore ex fide novimus & credimus, de nullo alio humano aliâs revelatum habemus. Et multipresenciam ergo in tali corpore possibilem esse, longè facilius creditu est, quàm in cæteris, de quibus talia cognita non habemus. Et in Theologicis quidem, Vbi de hoc unico Corpore multi vel Omnipresencia ex sacris ostenditur, singularibus argumentis de singulari subjecto rectissimè proceditur: non Universalibus, de Corpore ut sic & generatim procedentibus, Vt Scholastici procedere solent. Hoc n. tantum in Theologicis quaritur, & si ex Sacris ostensum fuerit, satis habetur. De Corpore ut sic, Philosophus ex occasione Theologicorum quarere potest, c. 1. 83. Sed hic plus difficultatis est, Campusq; ex Natura rationibus disceptandi aperitur, ac plus scientiæ, judicij, ingenij, & notitiæ variarum rerum, Metaphysicarum, Physicarum, Logicarum, requiritur. Quibus cum non omnes æquè instructi, tutius intra Scripturam & Theologica se continent, quàm in ampliusudinem Philosophicorum se diffundunt, V. t. 90. 91. Potest



Adversario in argumentis ex Scripturâ petitis Theologus quandoq; satisfacere. Vt ex Naturâ, Ratione, & Philosophiâ petitis, ac consequentiis per rationem formatis *non possit, quod cum Theologo Philosophum simul requirit. Hic & ex Naturâ ad possibile rei deduci aliquis potest, quæ impossibile adstruunt, distinctè resolvi: Res ipsa, & factum ex Scripturâ demonstrari, scilicet, tota Veritas evidentius exhiberi & repræsentari potest. V. t. 73. Non n. repugnantia sunt, Veritas Scripturæ & Naturæ, Vt Coron. Log. ostensum, sed consentientia: Adeoque ex utraque ad Veritatem evidentius in aliquo puncto Adversario ostendendam procedi potest. Conf. t. 73.*

84. VIII. Præsentia Christi hominis in his terris, est præsentia prorsus singularis, Oeconomica, & Mediatoria, tota mystica & inaudita, exemplum aut simile è Naturâ nullum habens. Adeoque; ulterius non extendenda, aut determinanda, quàm quorsum in Sacris promissa aut determinata extat. *Ex hoc solutio difficultatum multarum, & conciliatio diversitatum quarundam, quæ in hac de præsentia humanitatis Christi in Theologicis occurrant, petitur.* Varij sentiendi, loquendi, explicandi, decidendi, & determinandi modi hic esse solent. Alij humanitatem Christi ubiq; simpliciter, perinde ut ipsam λόγος personam ponunt, ab ipso primo Unsonis personalis momento, quo in unionem persona Verbi caro ista assumpta est. Alii in Sacramentis & Ecclesiâ præsentem ponunt, ubi se adfuturam promissit. Et hoc de præsentia Christi hominis asserere, sufficiens putant. Alii ubiq; ponunt, sed post ascensionem in cælos & exaltationem ejus ad dextram DEI. Alii ubique ponunt τῶν, in locis hujus mundi, non extra eum. Alij in totum negant, in pluribus, quàm uno loco, præsentia substantiæ carnis, simule esse posse, adeoque; cælo inferunt, ut extra eum nusquam his in terris quæ substantiam sit, vel esse possit. Ita Reformati. V. t. I.

Non



## Exercitatio Quinta.

III

*Non attinet, omnia hic refecare, quæ varijs voluminibus apud Theologos sunt disceptata. Pauca hic adducam, ad complementum doctrinae de Multipræsentiâ varietatem. Non ut Philosophis tantum Nobis disceptandum, sed & ut Christianis & Theologis, qui principia veritatis Natura rerum revelationis spiritualis luminis & dextrè applicare, & debitè submittere velint. Punctum etiam hoc de Multipræsentiâ ex Theologorum dogmatum occasione imprimè artum est, V. t. I. Cum ex rebus meri luminis Naturalis parum ejus moveri potuisset, si de animâ & spiritu illud excipias, t. 34. 35.*

De Christi erga Dei hominis præsentia in terris dico, Eam esse prorsus singularem, Mediatoriam, & Oeconomiam. Singularem, quia subiecti prorsus singularis, ex Deo & homine personaliter compositi, quale exemplum aut simile nec Natura rerum habet, nec de possibili sine præsuppositâ fidei veritate hic quidquam videre potest, sed ex se & suis principijs omnia potius dissimilia observat: Ex singulari officio promanât, singulari modo, mystico, ac inexplicabili, expeditur, & promissis ac institutis prorsus singularibus, fundatur, de quibus lumen Natura ex se nihil omninò novit, aut novisse potest. Mediatoriam, quia competis & personæ Mediatoris, quâ præcisè Mediatoria est: & partem officij mediatorij complectitur: & finis mediatoris applicatur, seu ad finem aliquem mediatorium exercetur, Vt officium mediatoris eò completius perficiatur, ac finis ejus expeditius introducatur. Personæ Mediatoris est, quâ Mediatrix præcisè est: Non enim hic Deitatem λόγος, vel carnem, vel animâ Christi, vel substantiam Verbi, nobis adesse dicimus: Sed Christum Mediatorem totum, Deum incarnatum, & hominē Deificatum. Si enim & Christus præsentiam promissit, ego sum votivum, & Matth. 28. Ego sum in medio eorum, Matth. 18. Et Scriptura Christum dominari in media terra.



dio inimicorum, regnare, omnia implere, ad fores stare, in medio condelabrorum ambulare, dicit, Psal. 110. I. Cor. 15. Ephes. 1. Apoc. 1. v. 13. c. 2. v. 1. c. 3. v. 20. Non divinitatem ejus, non humanitatem, non carnem aut animam, sed Christum DEVM hominem. Et sic semper de hoc negotio Scriptura loqui solet.

35. Præsentia πρώτος & maximè est suppositorum & totorum, maximeq; propriè de illis enuntiatur, ut homo, DEUS, Petrus, Paulus, est præsens: δεύτερος Naturarum, quæ includuntur in supposito, non excluduntur. Vbi Paulus, Petrus, DEUS, præsens, omnino & anima eorum & Natura præsens. Sed non ita resolvendum; Petrus, i. e. anima & Corpus Petri est præsens. Denominationes enim operationum & præsentialium, ad tota ferri debent, non totorum partes. Non excluduntur quidem partes; interim nec primò in enuntiatis denominantur. Petrus flet, ridet, ambulat, præsens est. Non excluduntur partes, sine quibus totum non est. Malè tamen resolvat: Anima aut Corpus Petri flet, ridet, præsens est. Operationes, & denominationes præsentia, πρώτος suppositorum sunt, non partium & principiorum, nisi partialiter, tropicè, consequenter, obiter loquendo. Analogicè Attributorum, modorum, & accidentium in suppositis. Denominationes tamen his etiam non tribuenda, quia principalibus & totis hæc debentur, non secundarijs & partibus. Malè dices: Eruditio, color, quantitas, caput, Stomachus, figura, Petrus est præsens: Optimè, Petrus est præsens. Sic propriè DEUS, Christus, Angelus, nobis præsens. Αναλγως benignitas, favor, iustitia DEI, nobis præsentia.

Reformati ita præsentiam Christi in terris defendunt, ut humanitatem excludant, negentq; præsentem, quam Cælo conclusam putant. Malè hoc. Partes enim suppositorum ordinariè non debent excludi à præsenijs: sed includi & subintelligi. V. S. 94.

## Exercitatio Quinta.

113

*Et presentia Christi in sacris Nobis est promissa, non partis alicujus è Christo. Nostri ita resolvunt, ut presentia denominationem & ipsis partibus assignent, ut humanitas, caro Christi nobis dicatur præsens. Deo sequas & secundariò hoc intelligendam. Caro est præsens, quia à presentia suppositi DEI hominis Christi non excludenda, sed includenda, ubi presentia Christi promissa est. Primò & accuratè Christus DEus homo & Mediator nobis in terris est præsens, ubicunq; presentem se futurum offeruit. Et sic Scriptura de Christo presentiam promittit, Matt. 18. & 28. Propter adversarios, sub personæ nomine solam Naturam divinam nobis offerentes, necessitas adegit ita loqui, ut expressa humanæ Naturæ fieri mentio. Sanctissimè secùs Sp. Sancti stilum & phrasin observaturi, nisi perversa illam interpretatione adversarij corrumpere. Ut de totà hac rectè & uberius disseris D. Mentzerus T. 5. Gies. d. 7. c. 141. seq. Qui omninò hic videri potest.*

86. Nec in presentia Christi Scriptura usquam dicit, *humanitatem vel DEitatem ejus esse nobis presentem, sed Christum esse presentem.* In operationibus & passionibus, similibusq; assignandis, interdum terminus humanitatem signantibus utitur. *Vi Sanguis Christi emundat nos à peccato.* 1. Ioh. 1. v. 7. 1. Pet. 1. v. 19. Hebr. 9. v. 12. 14. Apoc. 1. v. 5. c. 5. v. 9. Caro Christi verè est *cibus*, sc. vivificus, sanguis ejus verè est *potus*, &c. Joh. 6. v. 55. Christus passus est carne, 1. Pet. 3. v. 18. c. 4. v. 1. Sed in presentia assignandà semper vocibus personæ & suppositi utitur, *Est enim presentia hac Mediatoria in Christo, & ad officium ejus Mediatorum pertinet.* S. 84. Officij autem nomina Christo ut composito, in concreto tribuuntur magis propriè, quàm alteri Naturæ in abstracto. Officium enim secundum utramq; naturam peragitur. Ita & Patres in presentia Christi vocibus ferme suppositi utuntur. Ut Ambrosius in c. 4.

P

Hebr.



Hebr. Num, quia in multis locis offertur, multi Christi sunt? Nequaquam: sed unus ubiq; est Christus, & hic plenus existens, & illic plenus. Prudentius d. coronis, hym. 4. Christus in totis habitat plateis, Christus ubiq; est. *Alij q.*

37. Interdum specialiter ad partes in Christo delabi fas est, & *carnem aut sanguinem ejus adesse dici potest: Sed* tùm rem peculiaris institutionis, promissionis, & pacti, esse oportet. *Nec* de nudà præsentia, sed specialiore aliquo modo *determinata futura est. Ita in Sacramento Eucharistia Corpus & sanguis Christi peculiariter & Sacramentaliter legantur, adeoq; præsentia dicuntur.* Sed non nuda præsentia promittitur: verùm manducatio & bibitio, *ac Carnis & sanguinis Christi* Sacramentalis & peculiaris communicatio, 1. Cor. 10. v. 16. instituitur. Ut panis istius fractio & distributio Corporis Christi communicatio, vini istius distributio & bibitio sanguinis Christi communicatio *esse debeat. Hoc* jam longè aliud est, *quàm præsentia. Etsi persona Mediatoris tota Sacramentis Ecclesiæ præstò sit:* Non tamen in Cænà manducandum cum pane Sacramentaliter quidquam jubetur, nisi corpus; non cum vino bibendum, nisi sanguis Christi. *Hoc* ad peculiarem & Sacramentalem institutionem & pactionem *jam pertinet, qua institutio etiam pars officij mediatorij Christi est. Nec* de solà præsentia Christi hic *quæstio: sed* quid manducandum & bibendum in Cænà præter panem & vinum, ex instituto & voluntate ipsius Christi, porrigatur. *Hic non de solà Mediatoris personâ respondendum: Sed* specialius ad legata cujusvis Sacramentibona & institutionem *respiciendum, Qualia hic in Cænà sunt, quoad substantialia legata, Corpus & sanguis Christi: quoad finalia & moralia, beneficiorum Christi Obsignatio, Christi fidelis commemoratio, mortis ejus publica coram Ecclesiâ annuntiatio, unio cum Christo ætelsima, & fidei ro-*  
*bora-*

## Exercitatio Quinta. 115

*Oratio, ac promissorum divinarum confirmatio. Ac ubi communionem Corpor. & sanguinis Christi hic credas, rem ipsam & fundamentum teneas, etiamsi de præsentiâ nihil constituere possis. Quod simplices Christianos non posse certum est. Rectè hic D. Mentzerus in Anti Mart: p. 22. Corpus Christi præsens esse dico in S. Canâ. Quare? Propter institutionem. Non dico, absolutè propter unionem hypostaticam. Nam sermo est de præsentiâ mysticâ & sacramentali, quæ faciat, ut cum pane benedictio Corpus Christi manducetur, id quod nunquam ex solâ unionem hypostaticâ eviceris.*

37. Pars officij Mediatorij in Christo præsentiâ Christi est, quia officium illud inter alia regium etiam complectitur, quo Christus ut Rex, Princeps, Dominator, & iudex, ut Zach. 9. Ezceh. 37. v. 25. Malach. 3. v. 1. Esai. 33. v. 22. appellatur, præsente juvâ, tueri, gubernare eos, cohibere hostes, & in medio eorum dominari, ac molimina ipsorum disjungere debet. Hac autem divino modo non fiunt, nisi Substantiâ præsentiâ præassumptâ. Non enim DEUS humano more dominatur, Substantiâ absens, sed præsens. Et quia Christus DEUS & homo mediator est, & secundum utramq; Naturam, non alterutram, officium Mediatoris exequitur, ac ad hoc & præsentem eum gubernare sua requiritur, & secundum humanitatem Ecclesia præsentem eum esse oportet, non absentem. Adesse enim Ecclesia, tanquam Regem à DEO constitutum, omnia gubernantem, Christo competit, ut Prophetæ docenti, ut Sacerdoti oranti & benedicenti, ut Regi protegenti & servanti. Quod autem ita ei competit, ad officium ejus pertinet. Officium autem Mediatorium secundum utramq; Naturam peragitur, & divino modo peragitur à Christo, non humano, qui Substantia absentiam in rebus terrenis admittit. Christus ergo homo DEUS & DEUS homo præsens adest Ecclesiæ in his terris, tuetur ac defendit eam, & in medio



*hostium Ecclesia dominatur, vires, cogitata, insultus eorum prævidens, cohibens, & quæ fiunt, in salutarem finem dirigens. Non excludenda hinc humana Christi natura, quæ ab officio Mediatorio excludi non debet: Esti nec primò denominatio ei ut parti tribuenda, sed toti compositio, Christo Deo homini, & homini Deo, ut S. 85. visum.*

88. Finis Mediatorij gratiæ à Christo expeditur. Ideò *Christus Homo Deus præsens Ecclesia esse dicitur, ut promissionibus Ecclesiæ datis satisfaciatur, Matth. 28. v. 20. cap. 18. v. 20. Et omnia Spiritualia, quæcunq; ad Spirituale complementum in Ecclesiâ N. T. implenda erant, ac ob quæ implenda in Cælum ascendere necessumerat, impleat, Ephesi. 4. v. 10. Quæ verba de præfentiâ & efficacîâ in Ecclesiâ adeoq; impletionem gratiæ in eâ intelligenda esse, v. 11. 12. & tota contextus series ac coherrentia de Ecclesiâ & donis in Ecclesiâ, & Doctrinâ Spirituali ac perfectione Ecclesiæ Spirituali agens, apertè docet, & mecum fatetur versatissimus in his materijs Theologus. D. Mentzerus in Anti Mart. p. 28. *Ut verbo & Sacramentis homines ad salutem vocet, convertat, regeneret, vivificet, sanctificet, confirmet, consoletur, iustificet, tandemq; glorificet. Et sic ad consummationem sanctorum, in opus ministerij, & ædificationem Corporis Christi omnia peragat, ut in Spirituali cognitione perficiamur, v. 11. 12. 13. Imò Lutherus de efficacîâ operationis Christi explicat in gloss. Marg. ad h. l. Das er alles in allen dingen wirr effe/und ohne ihn nichts gethan/geredt/noch gedacht werde. H. e. Et omnia in omnibus Christus operetur, successum & progressum sufficiat, ut sine eo nullus sit, nihilq; agatur, dicatur, aut cogitetur. Quod & cap. 1. v. 22. 23. & Coloss. 1. v. 10. 19. ulterius patet. Vnde potestas omnis regiminis istius in cælo & in terrâ Christo tradita dicitur, Matth. 28. v. 18. *Ut ex eo, quod ipse passus est, & illis, qui tentantur, succurrere possit. Hebr.***

2. v. 18. *Hinc humanitas Christi excludenda non est. Nam & secundum eam est frater & cognatus noster*, Heb. 2. v. 14. 17. & in omnibus ut nos secundum eam tentatus est, peccato excepto, c. 4. v. 15. *Quod nullum habuit, nec habere potuit. Hinc & cognatus Naturas Apostolus connectit, & tentationes jungit, Indeque Eum nobis, qui tentamur, succurrere posse deducit.*

Carne autem tentatus est Christus, eaque frater noster est. E. & carne nobis, qui tentamur, adesse potest. Nulla enim esset consequentia: *Christus tentatus est carne, eaque similis est nobis, ut Deitate sua succurrere tentatis posset.* Ita Christus habitat per fidem in cordibus nostris, Eph. 3. v. 17. Inhabitatione autem Christi ad utramque ejus naturam pertinet, quam Mediatorium munus exercet, nec absentiam, sed praesentiam intimam apud eos, quos inhabitat, infert. *Nec praesentiam solius gratia infert, sed substantia praerequirat.* Nusquam enim DEUS, sive incarnatus, sive sine carne, adest praesentia gratiae, nisi ante ibi sit praesentia substantiae, c. 81. *Vnde qui Ecclesia per totum orbem dispersa praesentia gratiosa adest, omnibus rebus praesentem dominari oportet.* In hac mecum sententia conspirat Theologus antè citatus, D. Mentzerus, *praesentiam Christi in terris Mediatoriam esse, & ad officium mediatorium pertinere affirmans.* Loco cit. p. 28. Praesentem, ait, & efficacem esse in Ecclesia, pertinet ad officium Mediatoris, quod officium, ut natura humana obire posset, ornata est divinis auctoritatibus, ut ait Damascenus. P. 506. Praesentia Christi in Ecclesia spectat ad Christi Mediatoris officium. Quare graviter peccat Martinus, ex Naturae proprietate differens contra officium Christi. *Similia* p. 232. 233. c. 1. & T. 6. Giesl. d. 16. t. 41. 44. atque alibi habet. Eodem modo D. Affelmannus disp. d. commun. nat. & prop. in Christo, t. 184. Adesse creaturis, ut Regem à DEO constitutum, aut est divinitatis naturale



turale attributum, aut effectum sive adjunctum humanitatū, aut Christi Regū officium seu ἀποτέλεσμα. Non primum, non secundum. E. tertium. Vel ita: Quicquid Christo competit, ut Propheta, Sacerdoti, & Regi, illud est Christi officium. Ad esse Ecclesiæ tanquam Regem à DEo constitutum, omnia gubernantem, Christo competit, ut Propheta docenti, ut Sacerdoti oranti & benedicenti, ut Regi protegenti & salvanti. E. illud est officium Christi. Ex ipsis Reformatis huc quadam facere apud D. Mentzerum d. 10. apolog. c. Crocium t. 29. seq. vide.

89. Oeconomicam dico illam Christi præsentiam, quia peculiari dispensatione DEI nititur, officium Christo datum respiciente, illiusq; finem intendente. Adeoq; non ex solâ Naturarum proprietate in Christo deducenda, ut ex solâ divinitatis immensitate, quam simpliciter ubiq; esse oportet: vel solâ humanitatis finitate neganda, quæ ex Naturâ sui non nisi uno determinatoq; spatio pro ratione vera humanitatū adesse possit: Sed ex peculiari dispensatione, officij Christi relatione, placito & voluntate divinâ, verbo, promissionibus & institutionibus revelatâ. Spectatur hic præsentia Christi vel etiam Omnipræsencia aut Ubiquetas, ut quid. vocant, non tantum, ut Naturale & essentiale idioma filij DEI: Sed potius, ut consideratur in officio redemptoris, Quod officium non tantum convenit Naturæ divinæ, sed toti personæ secundum utramq; Naturam. Vnde consequens, axioma Sadeelis non esse per omnia verum: Quidquid est omnipræsens seu ubiq; est infinitum, increatum, & uno verbo, DEUS. Si loquatur de essentiali proprietate divinâ absolutè, verum est pronuntiatum. Sin intelligat de Omnipræsentiâ Redemptoris, quatenus ea in servis officio Christi regis, ad exerendam omnem potestatem in Cælo & in terrâ, non simpliciter verum est. Sed tùm, qui accuratè loquuntur, ita proponunt: Quicumq; est omnipræsens in munere regio  
exc.

exequen  
tūm homi  
Naturarum  
personæ  
Mentzeri

lam,  
præstò fut  
nitatem a  
aut susper  
in adessena  
mare possi  
fides Chr  
tiones, si  
Corpus ej  
est, exemp  
peculiari  
vestri con  
denda, au  
cinatione  
nixis pro  
pastorum  
sticis his,  
dere debe  
non decet  
derant.  
tionem pro  
dere pro p  
etiam spū  
cipiatur.  
Ecclesiæ in  
Non autem  
sui gratiā

exequendo, est DEUS & homo, non tantum DEUS, nec tantum homo. *Agitur enim hic de officio Christi, non absolute de Naturarum proprietate. Actiones autem & passiones competunt personæ, non huic vel illi Naturæ seorsum.* Sunt verba D. Mentzeri in Anti-Mart. p. 232.

*Iam, ubi Christum Deum & hominem promissio divina præstò futurum spondet, ibi certissimè eum & quà humanitatem adfuturum, fides Christiana profiteri debet, rejectis aut suspensis in credendo quibusvis Contrarietatibus, quas in adessendo hic mens humana varijs ratiocinationibus sibi efformare possit. Vbi promissio eum futurum non dicit, ibi nec fides Christiana per varias consequentias, rationes, speculationes, subtilitates, & intricaciones, extra verbum vagantes, Corpus ejus sibi formare debet. Præsentia hæc prorsus singularis est, exemplum aliud nec in Naturâ, nec extra eam habens, sed tota peculiari voluntate, dispensatione, & promissione nixa, non nostris consequentijs aut ratiocinationibus constringenda, extendenda, aut determinanda, quorsum nobis videri per nostras ratiocinationes aut consequentias possit. Sic enim in rebus certo pacto nixis procedere solemus, ut non ultra sensum promissionum & pactorum eas extendamus, ac pacta promittunt. Magis in Mysticis his, & quæ merissimâ revelatione innotescunt, procedere debemus, Et extra revelationem sapere Christianum non decet. In mysteria Evangelica & Angelis παρανοήσαι desiderant. 1. Pet. I. v. 12. Quid in illis nos homulli citra revelationem pronuntiare, & ampliare, & os contrahere, aut distendere pro placito audeamus? V. c. 96. Potest sanè hæc præsentia etiam spiritualis dici, si de modo præsentia generatim accipiat. Nec enim corporali, crasso, & Physico modo Christum Ecclesia in his terris adesse dicimus, sed verè spirituali & divino: Non autem, si spiritualis sit, quòd solâ divinitate & spiritus sui gratiâ Christus adsit.*



90. Porro, si Revelationem de mysterio præsentia Christi hominis consulamus; cum Ecclesia præstò futurum promissum est. Matth. 18. v. 20. c. 28. v. 20. Eum in baptismo adesse, verba institutionis docent, ubi in nomen Patris, Filij, & Spiritus S. baptizari jubemur. Matth. 28. v. 19. In S. Cœnâ Eum adesse institutio Cœnæ docet, quâ Corpus & sanguinem ejus edere ac bibere jubemur. Matth. 26. v. 26. In medio candelabrorum seu Ecclesia ipsum ambulare, visio Apoc. 1. v. 13. docet. In medio hostium dominari, Psal. 110. v. 2. A mari usque ad mare, & usque ad fines terra, Psal. 72. v. 8. Regnare, donec hostes ejus ad scabellum pedum ponantur, 1. Cor. 15. v. 25. Hebr. 10. v. 12. Scriptura dicit. Ad dextram DEI evectus, omnia sub pedibus subjecta habere dicitur. V. §. 81. Omnia in omnibus in Ecclesiâ implere dicitur. Eph. 4. V. §. 87. Hæc & similia, in Scripturâ de præsentia & dominio Christi hominis revelata simplice mentis assensu Christiano sunt recipienda, & hæc sistendum. Ultra cogitata extra revelationem non extendenda.

### Auctarium.

Ad t. 80. & ultima ejus verba, hæc adijci possunt. Sic Scholastici negant, Deum actu infinitum aliquod mole vel numero condere posse; & absolutè id de facto impossibile censent. V. Tannerum To. I. d. 2. q. 4. d. 2. Similiter Contradictionem implicare dicunt, aliquam Creaturam secundum extensionem actu esse infinitam, Vt Idem c. l. dub. 3. n. 12. Negant, Creaturam posse esse immensam, adeoque nec in locis in infinitum multiplicatis omnipresentem, nisi infinita fiat, Vt Idem d. 5. q. 2. d. 1. n. 13. Negant etiam, Mundum, vel ullam creaturam, ab eterno à DEO creari potuisse, Vt Idem d. 6. q. 1. d. 3. n. 11. facit, Et celebres authores ita statuere t. 79. dictum est. Nec tamen potestati infinita terminos per id poni, eamvè stringi opinantur. Nec ergò per id, quòd Creaturam in infinitis spatiis sistsi posse negemus, potestati isti terminos poni censendum erit.

gmo


emis.  
anfe.


, vel  
non  
nsub.  
pro.  
qvar.

✠


Yus.













Biblioteka Jagiellońska



stdr0019291



